

安陸府志卷之十九

忠節列傳

君臣之倫義無可逃歿綏歿職亦繫所遭慷慨從容心焉逍遙其人雖逝久而愈高傳忠節

春纛

申包胥

申包胥京山人爲楚大夫與伍員友員將奔吳辭包胥謂曰楚王殺吾父兄爲之奈何包胥曰於乎吾欲教子報楚則爲不忠教子不報則爲無親友也員曰

安陸府志

卷十九

一

我必覆楚包胥曰子能亾之我能存之楚昭王十年吳敗楚於栢舉遂入郢昭王出亾入雲夢包胥亾山中使人謂子胥曰子之報讐不以甚乎吾聞之人衆者勝天天定亦能勝人今子故平王之臣親北面而事之今至於僂歿人豈其無天道之極乎乃走秦乞師曰吳爲無道行封豕長蛇以薦食上國虐始於楚寡君失守社稷越在草莽使下臣告急曰吳滅楚則西與君接境若隣於君疆場之患也逮吳之未定君其取分焉若以君靈撫之世以事君秦伯使辭焉口

寡君聞命矣子其就館將圖而告對曰寡君越在草野未獲所伏下臣何敢即安裂裳裋膝倚於庭墻立哭日夜不絕水漿不入口七日七夜秦哀公素沉湎不恤國事聞其言大驚曰楚有賢臣如是吳猶滅之寡人無臣若斯者其亾無日矣爲賦無衣之詩曰豈曰無衣與子同袍王子興師與子同仇包胥九頓首而坐秦乃出師十一年包胥以秦師至楚大敗吳師吳師乃歸昭王入郢王賞包胥包胥曰吾爲君也非爲身也君既定矣又何求遂逃賞惠王十一年包胥

聘於越越王問曰吳可伐邪包胥曰臣鄙於策謀未足以卜越王曰吳爲無道殘我社稷夷我宗廟以爲平原使不得血食吾欲與之徼天之衷惟是車馬兵甲卒伍既具無以行之請問戰奚以而可胥辭曰不知王固問乃對曰夫吳良國也能博取於諸侯敢問君王之所以與之戰者王曰在孤之側者觴酒豆肉簞食未嘗敢不分也飲食不致味聽樂不盡聲求以報吳願以此戰包胥曰善則善矣未可以戰也王曰越國之中疾者吾問之歾者吾葬之老其老慈其幼

長其孤求以報吳願以此戰包胥曰善則善矣未可以戰也王曰越國之中吾寬民以子之忠惠以善之吾修令寬刑施民所欲去民所惡稱其善揜其惡求以報吳願以此戰包胥曰善則善矣未可以戰也王曰越國之中富者吾安之貧者吾予之求其不足裁其有餘使貧富皆利之求以報吳願以此戰包胥曰善則善矣未可以戰也王曰越國南則距楚西則薄晉北則望齊春秋奉幣玉帛子女以貢獻焉未嘗敢絕求以報吳願以此戰包胥曰善哉蔑以加焉然猶

未可以戰也夫戰之道知爲之始以仁次之以勇斷之不知即無權變之謀以別衆寡之數不仁則不得與三軍同饑飽之節齊苦樂之善不勇則不能斷去就之疑決可否之議於是越王曰敬從命矣乃召伍大夫曰昔吳爲不道殘我宗廟夷吾社稷以爲平原使不得血食欲徼天之衷兵革既具無以行之吾問於王孫包胥既命孤矣

屈原

屈原者名平楚之同姓也爲楚懷王左徒博聞彊志

□□治亂嫺於辭令入則與王圖議國事以出號令
出則接遇賓客應對諸侯王甚任之上官大夫與之
同列爭寵而□害其能懷王使屈原造爲憲令屈平
屬草藁未定上官見而欲奪之屈平不與因讒之曰
王使屈平爲令衆莫不知每一令出平伐其功曰非
我莫能爲也王怒而疏平平疾王聽之不聰讒諂之
蔽剛邪曲之害公方正之不容故憂愁幽思而作離
騷離騷者猶離憂也屈平既絀其後秦欲伐齊齊與
楚從親惠王患之乃令張儀佯去秦厚幣委質事楚

曰秦甚憎齊齊與楚從親楚誠能絕齊秦願獻商於
之地六百里楚懷王貪而信張儀遂絕齊使使如秦
受地張儀詐之曰儀與王約六里不聞六百里楚使
怒去歸告懷王懷王怒大興師伐秦秦發兵擊之大
被楚師於丹浙斬首八萬擄楚將屈匄遂取楚之漢
中地懷王乃悉發國中兵以深入擊秦戰於藍田魏
聞之襲楚至鄧楚兵懼自秦歸而齊竟怒不救楚楚
大因明年秦割漢中地與楚以和楚王曰不願得地
願得張儀而甘心焉張儀聞乃曰以一儀而當漢中

地臣請往如楚如楚文因厚幣用事者臣靳尚而設
□辯於懷王之寵姬鄭袖懷王竟聽鄭袖復釋去張
儀是時屈平既疏不復在位使於齊顧反諫懷王曰
何不殺張儀懷王悔追張儀不及其後諸侯其擊楚
大破之殺其將唐昧時昭王與楚婚欲與懷王會懷
王欲行屈平曰秦虎狼之國不可信不如無行懷王
稚子子蘭勸王行奈何絕秦歡懷王卒行入武關秦
伏兵絕其後因留懷王以求割地懷王怒不聽亾走
趙趙不內復之秦竟歿於秦而歸葬長子頃襄王立

安陸府志

卷十九

五

以其弟子蘭爲令尹楚人既咎子蘭以勸懷王入秦
而不反也屈平既疾之雖放流睠顧楚國冀幸君之
一悟也其存君興國而欲反覆之一篇之中三致意
焉令尹子蘭聞之大怒卒使上官大夫短屈原於頃
襄王頃襄王怒而遷之屈原至於江濱披髮行吟澤
□顏色憔悴形容枯槁與漁父問答其後乃作懷沙
□賦以自傷音投汨羅而歿屈原既歿之後楚有宋
□唐勒□差之徒者皆好辭而以賦見稱然皆祖屈
□□從容□□終莫敢直諫

宋

陳嘉言

陳嘉言景陵人仕宋爲復州學諭開禧二年金兵犯景陵城陷被執同室六人自沉於水而歿

祝松

祝松景陵人舉宋進士初調長水簿端平初以城陷誓歿守郢遺民立祠祀之

明

姚善即李善

安陸府志

卷十九

六

姚善字克一鍾祥人初姓李復姓姚家居魚寨爲人志行淳實學識高遠爲諸生時扁讀書所曰待旦軒會稽唐之淳爲之銘善工詩與唐相唱和洪武中由鄉舉歷祁門丞同知廬州重慶所至有能聲歲戊寅擢知蘓州府明太祖稔吾民習爲僭靡命善明法以齊之囂者或更藉持短長賊譎蜂起號難理善洞達政體周悉人情張弛寬密各協事宜數造請郡賢考求治道商略民生休戚俗尙淳漓以施因革由是吏民顧尙禮義轉稱大治爲列郡最隱士王賓獨居陋

巷善往候見舍車徒步詣門賓問爲誰應曰姚善乃開門延語及賓報謁面府門再拜而返善自邀還辭曰非公不敢入也又將候韓奕奕避入太湖善嘆曰韓先生所謂名可聞身不可得見也將往候錢芹乃使人先道意芹對使者曰芹誠幸見公然芹民也禮不可往見於庭苟明公弘下士之風請候月朔胥會於學宮善如期至迎芹置上坐請質經義芹曰公今有官守請姑舍是事有急於此者善問何事芹出一簡以授善竟不交一言而去視之則守禦制勝之策

安陸府志

卷十九

七

也善心嘉之後薦爲行軍司馬越己卯靖難師起善畫策勤王與有勞焉壬午京師平時黃子澄走匿善所索之急約善航海善曰在公則可在善則不可在善守土之臣當與同亾子澄去未幾善竟伏節長子節戍賀縣千戶所幼子繼兒蘓州隨母給配保兒項兒送工部習匠善以六月二十二日送問七月受戮時年四十三

周憲

周憲字時敏安陸人弘治癸丑進士授刑部主事轉

員外郎上疏言事左遷兗州府通判後復職進郎中
出補雲南大理知府擢江西按察司副使正德間華
林寨寇胡雪二等大肆猖獗憲與其子幹會僉事吳
廷舉知府李承勛三面夾攻賊少却憲促兵迫之賊
衆矢石交下我師敗績憲被執晉中刀血流被面左
髀中鎗不能動猶大詈不絕口賊怒肢解之幹前救
力戰墮崖殞事聞上命官祭葬贈按察使謚節愍官
其子金爲錦衣千戶

劉槩

安陸府志

卷十九

八

劉槩字平甫鍾祥人正德辛未進士授行人諫阻南
征杖之於廷卒嘉靖元年贈監察御史上遣官諭祭
有云爾甲第登名大行列職先皇整旅南征伏闕上
章志存止輦抵奸構柄笞責而亾追念忠誠曷勝悼
惜特加褒贈延賞後人廕其子燮爲太學生

商大節

商大節鍾祥人嘉靖癸未進士歷官都察院右僉都
御史平生慷慨負竒氣故自爲教令司諫司刑敷歷
藩臬巡撫畿甸風裁卓然後疏劾仇鸞不法事竟坐

誣獄身死詔賜葬祭謚端愍贈兵部尚書

錢錞

錢錞字鳴叔顯陵衛人其先籍浙之安吉人嘉靖庚戌進士知江陰縣時倭亂浙東公度賊必西向亟請繕城明年城成賊果趨江陰公禦之矢盡繼以瓦石公被創猶鬪賊遂遁去公意賊復來預營華墅而陣賊果復寇江陰焚掠四野煙焰蔽天公從城上望□嚙指誓曰剪屠裂矣柰何與此賊俱生邪乃騎而背城決死戰時狼兵與所募士僅千人望風潰走公自督所從卒鬪會伏起墜馬復躍而上賊擊之死焉□人求其屍於雜莽間輿歸殮之御史上其事於朝詔贈光祿少卿廕一子錦永衛百戶公無子以弟銖襲

胡恒

胡恒字公占景陵人領萬曆乙卯鄉薦授會稽教諭入爲助教擢戶部郎中陞川南道甲申賊陷成都公時兼攝建昌諸道印聞成都失守提兵鎮雅州□□□偏將羅大爵救成都大爵敗死雅州吏王國臣□□□賊反兵劫公公不爲動因泣曰余家世□國□□□

惜一歿以報朝廷於是調諸路兵疾馳來援賊聞之發大隊迎擊我兵敗績公被執國臣繫公如成都賊脅之不屈臨歿罵不絕口子之華聞變託孤於義士汪光翰乃率家屬投端公河歿有幼僕京兒者見公執不忍舍同就戮所著有古懽堂詩集兄懷字公遠由鄉薦歷官戶部郎值賊陷都城爲遊騎所獲縛獻李自成擄掠不屈而歿

曾發祥

曾發祥字戩穀鍾祥人太保璠之從孫也以明經除安陸府志
卷十九
十
黃陂訓導遷廣濟教諭課士較文精於藻鑒居平倦倦以忠義勸勵多士崇禎乙亥流賊圍城公協力堅守城陷不屈而歿賊焚其尸於剛倫堂

孫瑋

孫瑋字公之鍾祥人由明經授蘄水訓導至癸未流賊破城公袍服坐明倫堂詈賊而歿

國朝

涂起鵬

涂起鵬字
潛江人順治丁亥歲薦授廣西平樂

令值賊犯平樂公衝鋒力戰孤城援絕不克濟竟被
執不屈歿之廣撫疏請褒卹 贈廣西按察司僉事
廕一子入監讀書與祭一壇遣官營葬如典

劉承謨

劉承謨字君顯沔陽人順治丙戌恩貢廣東臨高令
海兵臨城承謨懷印誓以歿守城破不屈歿焉順治
十三年五月奉 旨贈廣東按察司僉事廕一子劉
馨入監遣官諭祭予葬誄曰烈士成仁齎志而沒忠
臣報國捐軀以從爾劉承謨矢志忠貞服官敬慎臨
安陸府志 卷十九 十一
難致身良足嘉也特頒祭葬用慰幽魂爾如有知尙
其歆此

論曰痛哭於秦庭抱石於汨羅伏鑕於帝闕其孤忠
勁魄若揭日月而行巍乎不可躋攀矣至後則陳祝
周劉諸君子與城存亾卒殉其志至今生氣若或見
之較彼庸庸碌碌蓄縮瓦全而呶嘍宛轉於牀褥間
者視此何如其人歿乎曰歿也